

**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ**

**ԻՆՖՈՐՄԱՏԻԿԱՅԻ ԵՎ ԿԻՐԱՌԱԿԱՆ ՄԱԹԵՄԱՏԻԿԱՅԻ  
ՖԱԿՈՒԼՏԵՏ  
ԾՐԱԳՐԱՎՈՐՄԱՆ ԵՎ ԻՆՖՈՐՄԱՅԻՈՆ ՏԵԽՆՈԼՈԳԻԱՆԵՐԻ  
ԱՄԲԻՈՆ  
ԻՆՖՈՐՄԱՏԻԿԱՅԻ ԵՎ ԿԻՐԱՌԱԿԱՆ ՄԱԹԵՄԱՏԻԿԱՅԻ  
ԿՐԹԱԿԱՆ ԾՐԱԳԻՐ**

**ՏԻԳՐԱՆ ԳԱԼՍՏՅԱՆ ԵՐՎԱՆԴԻ**

**ԱՎԱՐՏԱԿԱՆ ԱՇԽԱՏԱՆՔ**

**ԲԼՈԿՉԵՅՆԻ ԿԻՐԱՌՈՒԹՅՈՒՆԸ ԽԱՂԵՐԻ  
ՈԼՈՐՏՈՒՄ**

***«Մաթեմատիկա: Համակարգչային գիտություններ»  
մասնագիտությամբ և Ինֆորմատիկայի և կիրառական  
մաթեմատիկայի բակալավրի որակավորման աստիճանի  
հայցման համար***

**ԵՐԵՎԱՆ 2018**

**Ուսանող՝ \_\_\_\_\_**  
**ստորագրություն**

**Գալստյան Տիգրան**

**ազգանուն, անուն**

**Ղեկավար՝ \_\_\_\_\_**  
**ստորագրություն**

**Ֆ.մ.գ.թ., ասիստենտ Ս. Ա. Խաչատրյան**

**գիտ. աստիճան, կոչում, ազգանուն, անուն**

**«Թույլատրել պաշտպանության»**

**Ամբիոնի վարիչ՝ \_\_\_\_\_**  
**ստորագրություն**

**Ֆ.մ.գ.դ., պրոֆեսոր Ս.Ա. Նիգիյան**

**գիտ. աստիճան, կոչում, ազգանուն, անուն**

**« \_\_\_\_\_ » \_\_\_\_\_ 20 \_\_\_\_\_ թ**

# ՀԱՄԱՌՈՏԱԳԻՐ

«ԲԼՈԿՉԵՅՆԻ ԿԻՐԱՌՈՒԹՅՈՒՆԸ ԽԱՂԵՐԻ ՈԼՈՐՏՈՒՄ»

“ПРИМЕНЕНИЕ БЛОКЧЕЙНА В ИГРАХ”

“THE APPLICATION OF BLOCKCHAIN IN GAMES”

Ուսումնասիրվել են՝

- մի շարք էլեկտրոնային արժույթներ, որոնցից խորությամբ ուսումնասիրվել է Էթերեումը(Ethereum), որը ոչ միայն էլեկտրոնային արժույթ է այլ նաեւ բաշխված համակարգիչների վրա տեղադրված օպերացիոն համակարգ
- կենտրոնացված եւ ապակենտրոնացված համակարգեր
- դետերմինիստիկ պատահական մեծության ստացման ալգորիթմներ
- Angular 5 Framework-ը
- Ionic SDK-ը
- web3.js գրադարանը
- truffle-hdwallet-provider գրադարանը
- Սոլիդիթի (Solidity) ծրագրավորման լեզուն
- Էթերեում վիրտուալ մեքենան (EVM)

Ստեղծվել են՝

- «Հաջողակը» անվամբ ապակենտրոնացված կիրառություն (DAPP)
- iOS եւ Android ՕՏ-երի համար կիրառություններ, որոնք թույլ կտան օգտագործողին գրաֆիկական ինտերֆեյսի միջոցով փոխազդել (interact) Էթերեումի բլոկչեյնի վրա գտնվող «Հաջողակը» ապակենտրոնացված կիրառության վրա

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	5
ԲԼՈԿՉԵՅՆ.....	7
Ի՞ՆՉ Է ԲԼՈԿՉԵՅՆԸ .....	7
ԿՈՆՍԵՆՍՈՒՍԻ ԳԱԼՈՒ ՓՈՒԼԸ. ՄԱՅՆԻՆԳ.....	8
«ՀԱՋՈՂԱԿԸ» ԽԱՂԸ .....	11
ԽԱՂԻ ՆԿԱՐԱԳԻՐ .....	11
ԽԱՂԻ ԳՐԱՖԻԿԱԿԱՆ ԻՆՏԵՐՖԵՅՍԸ .....	11
«ՀԱՋՈՂԱԿԸ» ԽԵԼԱՑԻ ՊԱՅՄԱՆԱԳԻՐԸ .....	17
ԵԶՐԱԿԱՑՈՒԹՅՈՒՆ .....	21
ԳՐԱԿԱՆՈՒԹՅՈՒՆ .....	22

## ՆԵՐԱԾՈՒԹՅՈՒՆ

2009թ.-ին ստեղծվել է առաջին ապակենտրոնացված թվային արտարժույթը՝ Բիթքոինը [1], որն աշխատում է բլոկչեյն տեխնոլոգիայի հիման վրա: 2015 թ.-ին թողարկված Էթերեումը (Ethereum) [3], որը ոչ միայն թվային արտարժույթ է, այլ նաեւ մի հարթակ, որում կարող են ստեղծվել զանազան ապակենտրոնացված կիրառություններ (DAPP) եւ ապակենտրոնացված ինքնավար կազմակերպություններ (DAO), ապահովում է հարյուր տոկոսանոց թափանցիկություն:

Բլոկչեյնի թափանցիկությունը դրա հիման վրա հիմնված ապակենտրոնացված կիրառություններին դարձնում է վստահելի: Այդ իսկ պատճառով, այն դառնում է կարելու մի շարք ոլորտներում, մասնավորապես խաղերում, որոնցում խաղացողները գործ են ունենում իրական գումարների հետ:

**Խնդրի դրվածքը.** Ուսումնասիրել բլոկչեյն տեխնոլոգիան եւ օգտագործելով այն ստեղծել լոտո խաղը ու պարզել բլոկչեյնի արդյունավետությունը խաղերի ոլորտում:

**Արդիականությունը.** Ներկայումս էլեկտրոնային արժույթներով հետաքրքրվածությունը շատ բարձր մակարդակի վրա է գտնվում: Դրան զուգահեռ առկա է մեծ աուդիտորիա սմարթֆոնների ու համակարգիչների քանակական եւ որակական աճի շնորհիվ, որը խաղերի մեծ պահանջարկ ունի: Այսպիսով, խաղը որը հիմնված կլինի բլոկչեյն տեխնոլոգիայի վրա, անմիջապես կգրավի այդ աուդիտորիայի ուշադրությունը:

**Լուծումը.** Օգտագործելով Էթերեում հարթակը իրականացվել է (implemented) «Հաջողակը» խաղը: Խաղը բաղկացած է երկու կոմպոնենտներից. Էթերեում վիրտուալ մեքենայի (EVM) վրա գործող մասից՝ «Բեք-էնդ» (back-end), եւ iOS ու Android ՕՏ-երի համար նախատեսված հիբրիդ կիրառություններից՝ ֆրոնտ-էնդ (front-end): «Բեք-էնդում» օգտագործվել է Սոլիդիթի (Solidity) լեզուն, ստեղծված 2014թ.-ին Գեյվին Վուդի կողմից: Այն բարձր մակարդակի լեզու է՝ նախատեսված խելացի-պայմանագրեր (smart-contract) ստեղծելու համար: Ֆրոնտ-էնդում օգտագործվել են Իոնիկ (Ionic) SDK-ը, Angular շրջանակը (framework) եւ TypeScript ծրագրավորման՝ լեզուն հիբրիդ կիրառություն ստանալու համար, ինչպես նաեւ

«web3.js» գրադարանը՝ կիրառությունից էթերեումի բլոկչեյնին համասեռ ցանցով (P2P) միանալու եւ փոխազդելու համար:

## ԲԼՈԿՉԵՅՆ

Անժխտելի է այն փաստը, որ բլոկչեյնը հնարամիտ գյուտ է, որը հայտնի է «Սատոշի Նակամոտո» կեղծանվամբ եւ հանդիսանում է մի խումբ մարդկանց կամ անհատի մտքի արգասիքը: Սակայն ստեղծվելուց հետո, այն աստիճանաբար վերաճել է՝ դառնալով մի շատ ավելի մեծ բան եւ յուրաքանչյուրի մոտ ծագող մի շատ կարելու, այն՝ ի՞նչ է բլոկչեյնը:

### Ի՞ՆՉ Է ԲԼՈԿՉԵՅՆԸ

Բլոկչեյնը *փաստերի* «գրքույկ» է, կրկնօրինակված տարբեր համակարգիչներում հավաքված լինելով համասեռ ցանցում (P2P network) [6]: Փաստերը կարող են ամեն ինչ լինել, սկսած դրամական փոխանցումների արձանագրություններից մինչեւ կոնտենտի ստորագրությունը: Ցանցի անդամները անհայտ անհատներ են, որոնք կոչվում են հանգույցներ: Ցանցի ներսում ուղարկողի եւ ստացողի անվտանգ ճանաչումն ու հաղորդակցությունը տեղի է ունենում օգտվելով կրիպտոգրաֆիկ ֆունկցիաներից: Երբ հանգույցը փաստ է ուզում ավելացնել «գրքույկին», համաձայնեցում (consensus) է ձեւավորվում ցանցում, որպեսզի որոշվի թե «գրքույկի» որ մասում պետք է ավելացվի փաստը. այդ համաձայնեցումը կոչվում է *բլոկ* [4]:

Բլոկչեյնը թույլ է տալիս ցանցի ոչ վստահված անդամների միջեւ ապահով կերպով կիսել եւ/կամ մշակել տվյալներ: Տվյալը կարող է լինել ցանկացած ինֆորմացիա:

Տեխնիկական տեսանկյունից, բլոկչեյնը նորարարություն է՝ հիմնված երեք հասկացությունների վրա. համասեռ ցանցերի (P2P networks), հանրային-բանալու (public-key) կրիպտոգրաֆիայի եւ պատահական մաթեմատիկական մարտահրավերների որոշումից բաղկացած բաշխված համաձայնեցումից

(consensus): Այս երեք հասկացություններից ոչ մեկն էլ նորույթ չէ: Այդ երեքի միաձուլումը հաշվողական աշխարհում բեկում է մտցնում:

Բլոկչեյնին կարելի է նայել որպես տվյալների շտեմարան, պատճենված եւ համաժամեցված այնքան անգամ, ինչքան հանգույց կա, կամ, որպես սուպերհամակարգիչ՝ կազմված ցանցի հանգույցներում առկա կենտրոնական կամ գրաֆիկական մշակիչ սարքերի (CPUs/GPUs) համադրությունից: Այս սուպերհամակարգիչը կարող ենք օգտագործել տվյալներ պահելու եւ մշակելու համար, ինչպես կանեինք օրինակ՝ REST API-ի դեպքում, բացի դրանից, անհրաժեշտություն չկա ունենալու սեփական բեք-էնդ հատվածը:

Բլոկչեյնի ամենահայտնի կիրառությունը դեռ Բիթքոինն է:

Բլոկչեյն տեխնոլոգիան եւ ինտրիգային է, եւ հուզիչ: Կարո՞ղ է բլոկչեյնը լինել այն հեղափոխությունը, որը կանխատեսել են գուրուները: Դա տեսանելի կլինի հաջորդ տասնամյակում:

## **ՀԱՄԱՁԱՅՆՈՒԹՅԱՆ (CONSENSUS) ԳԱԼՈՒ ՓՈՒԼԸ. ՄԱՅՆԻՆԳ**

Բլոկչեյն տեխնոլոգիայում համաձայնության (consensus) գալու գործընթացի ամենա-տարածված երկու տեսակներն են՝ աշխատանքի ապացույցը (proof of work) եւ բաժնետեր լինելու ապացույցը (proof of stake): Կխոսենք միայն աշխատանքի ապացույցի մասին:

**Աշխատանքի ապացույցը** մի արձանագրություն (protocol) է, որի հիմնական նպատակը այնպիսի կիբեր հարձակումների կանխումն է, ինչպես, օրինակ՝ ծառայության բաշխված մերժումն է (DDoS), որը նպատակաուղղված է կեղծ հարցումների միջոցով համակարգչային ռեսուրսներ սպառելուն [9]:

Աշխատանքի ապացույց կոնցեպտը հավանաբար ամենահանճարեղ մտահաղացումն էր Նակամոտոյի Բիթքոինի զեկույցում, հրատարակված 2008թ.-ին, քանի որ այն թույլ է տալիս առանց վստահության անհրաժեշտության բաշխված համաձայնագիր ունենալու: Առանց վստահության անհրաժեշտության բաշխված համաձայնագիր նշանակում է, որ, եթե ուզում ես ինչ որ մեկին փող ուղարկել եւ/կամ



ստանալ, դու ստիպված չես վստահել երրորդ կողմին: Ավանդական վճարման մեթոդներ (օրինակ՝ Visa, Mastercard, PayPal, բանկեր) օգտագործելիս ստիպված ես վստահել երրորդ կողմին գումարը փոխանցելու հարցը: Հանգույցները ունեն իրենց անձնական «գրքույկը» որտեղ պահում են փոխանցումների եւ հաշվեկշռի պատմությունը ամեն հաշվի համար: Օրինակ՝ եթե Արամը \$100 ուղարկի Ռոբին, վստահված երրորդ կողմը Արամի հաշվից կգանձի նշված գումարը եւ կավելացնի Ռոբի հաշվին: Այսպիսով, նրանք ստիպված են վստահել երրորդ կողմին, որ նա ճիշտ կկատարի այդ պրոցեսը:

Էլեկտրոնային արժույթների դեպքում բոլոր հանգույցներն ունեն «գրքույկը», այսպիսով, ոչ ոք ստիպված չի վստահել երրորդ կողմին, քանի որ ցանկացածը կարող է ուղղակիորեն հաստատել գրված ինֆորմացիան:

Այսպիսով, մայնինգի արդյունքում բլոկ է ավելացվում բլոկչեյնին:

Մայնինգը ունի երկու նպատակ.

1. Հաստատել գործարքի լեգիտիմությունը կամ խուսափել, այսպես կոչված կրկնակի-ծախսումից
2. Ստեղծել նոր էլեկտրոնային արժույթ՝ մայներներին կատարած աշխատանքի դիմաց վճարելու համար:

Գործարք կատարելիս տեղի են ունենում հետեւյալ պրոցեսները.


- Գործարքները միավորվում են բլոկի մեջ
- Մայներները հաստատում են ամեն բլոկի մեջ եղած գործարքների լեգիտիմությունը (դրա կատարման համար, մայներներ պետք է լուծեն «մաթեմատիկական հանելուկներ», հայտնի որպես աշխատանքի ապացույց)
- Ամեն բլոկի համար պարգև է տրվում այն մայներին, ով առաջինն է լուծում խնդիրները
- Հաստատված գործարքները պահվում են բլոկչեյնում

Այս «մաթեմատիկական հանելուկները» մի հատկություն ունեն.

*ասիմետրիկություն:* Ցանցի բոլոր մայներները մրցում են այս մաթեմատիկական խնդրի լուծումը առաջինը գտնելու համար:

Երբ մայները գտնում է ճիշտ լուծումը, այն հայտարարում է ամբողջ ցանցին՝ ավելացնում է բլոկը ցանցին, եւ ստանում է պարգև էլեկտրոնային արժույթով:

Տեխնիկական տեսանկյունից, մայնինգը հակադարձ հեշավորման օպերացիա է, որը որոշում է մի թիվ:



*Նկ. 1.1. Բլոկչեյնի գրաֆիկական տեսքի օրինակ*

## «ՀԱՋՈՂԱԿԸ» ԽԱՂԸ

Էթերեում հարթակի թողարկումից հետո, սկսվում է դրա կիրառումը նաեւ խաղերում: Էթերեումը թույլ է տալիս ստեղծել հարյուր տոկոսանոց թափանցիկ խաղեր, որոնք կարող են գրավել խաղերի շատ սիրահարների: Ամենաարագը օնլայն խաղատները ինտեգրեցին, արդեն իսկ առկա խաղերը, Էթերեում հարթակի հետ:

### ԽԱՂԻ ՆԿԱՐԱԳԻՐԸ

Խաղին կարող է մասնակցել  $x$  քանակի խաղացող: Մասնակցելու համար խաղացողը տոմս է գնում,  $y$  ETH գնով, եւ գցում արկղի մեջ: Երբ վաճառվում է  $x$  քանակությամբ տոմս, պատահականորեն արկղից հանվում է մեկ տոմս եւ շահողին է փոխանցվում  $x * y$  ETH՝ էլեկտրոնային արժույթ:

### ԽԱՂԻ ԳՐԱՖԻԿԱԿԱՆ ԻՆՏԵՐՖԵՅՍԸ

Մինչեւ գրաֆիկական ինտերֆեյսին անցնելը պետք է նշել, որ խաղը հնարավոր է խաղալ նաեւ առանց գրաֆիկական ինտերֆեյսի: Ունենալով Մետամասկ<sup>1</sup> ընդլայնումը (extension) բրաուզերի վրա, [remix.ethereum.org](https://remix.ethereum.org) IDE-ի օգնությամբ կարելի է գնել տոմս գործարքի միջոցով:


Վերոհիշյալ կամ գրաֆիկական տարբերակով տոմս գնելուց հետո, խաղացողը կարող է նայել իր կատարած գործարքը Բլոկչեյնի վրա: Այդ հարցում կօգնի արդեն իսկ հայտնի ԷթերՍկան<sup>2</sup> (EtherScan) բլոկ-ուսումնասիրողը: Ընդամենը անհրաժեշտ է խաղացողի հանրային բանալին (public-key) փնտրել ԷթերՍկանում:

<sup>1</sup> Մետամասկը թույլ է տալիս փոխադրել ապակենտրոնացված կիրառությունների հետ: Ավելին՝ [metamask.io](https://metamask.io)

<sup>2</sup> Էթերեումի բլոկչեյնի հանրային լինելը յուրաքանչյուրին թույլ է տալիս ուսումնասիրել ցանկացած բլոկ: Ավելին՝ [etherscan.io](https://etherscan.io)



Նկ. 2.1. ԷթերՍկանի կայքի մի հատված



«Հաջողակը» խաղը խաղալու համար անհրաժեշտ է ունենալ մենմոնիկով (mnemonic) մուտք գործվող Էթերեումի հաշիվ, կամ այն ստեղծել խաղի տրամադրած գրաֆիկական ինտերֆեյսի միջոցով:

Խաղի առաջին՝ **մուտք գործելու էջում** (տես Նկ. 2.2.-ը) կա երկու կոճակ. «ՍՏԵՂԾԵԼ ՀԱՇԻՎ» (Create Account) եւ «ՄՈՒՏՔ ԳՈՐԾԵԼ» (Log In): «ՍՏԵՂԾԵԼ ՀԱՇԻՎ»-ը խաղացողի համար գեներացնում է 12 բառից կազմված մենմոնիկ, որը պետք է հիշել, ինչպես օրինակ՝ գաղտնաբառը, եւ ապահովել նրա գաղտնիությունը, քանի որ ցանկացածը կարող կառավարել հաշվի վրա առկա միջոցները մենմոնիկ

Նկ. 2.2. Կիրառության մուտքի էջ

արտահայտությունը ունենալու դեպքում: «ՄՈՒՏՔ ԳՈՐԾԵԼ» կոճակը տանում է մուտք գործելու համար նախատեսված էջ, որտեղ խաղացողից կպահանջվի արդեն ունեցած մենմոնիկ արտահայտությունը: Մենմոնիկ արտահայտությամբ մուտք գործվող հաշիվները շատ ավելի ապահով են: Այն օգտագործվում է անձնական բանալի (private-key) գեներացնելու համար, որը անհրաժեշտ է բլոկչեյնում գործարքներ ստորագրելիս: Տոմս գնելն արդեն իսկ գործարք է:

**Հաշվի ստեղծման էջում** (տես Նկ. 2.3.-ը) խաղացողին տրվում է նոր գեներացված մենմոնիկ արտահայտություն: «Գնալ դեպի խաղը» (Go to Game) կոճակը սեղմելուց բացվում է խաղի հիմնական մասը:

**Մուտքի էջում** (տես Նկ. 2.4.-ը) կա մենմոնիկ արտահայտության համար նախատեսված մուտքագրման դաշտ եւ «Գնալ դեպի խաղը» կոճակը, որը կատարում է վերոհիշյալ ֆունկցիոնալը:

Նկ. 2.3. Հաշիվ ստեղծելու էջ

Նկ. 2.4. Հաշիվ մուտք գործելու էջ


Հիմնական մասը բաղկացած է երեք էջերից՝ տոմս գնելու էջ, պատմության էջ, պրոֆիլի էջ:

**Պրոֆիլի էջում** (տես Նկ. 2.5.-ը) խաղացողը կարող է գտնել իր հաշվեկշիռը՝ վերելի մասում, իր հանրային հասցեն (public-key) եւ հաշվից դուրս գալու կոճակը: Խաղացողը կարող է իր հաշիվը լիցքավորել օգտվելով օնլայն փոխանակման

կետերից (exchange): Օրինակ՝ [eToro-ից](#), [HitBTC-ից](#), [YObit-ից](#) եւ [այլն](#): Հաշվեկշիռը ցույց է տրվում էթերեում էլեկտրոնային արժույթով (ETH):



Նկ. 2.5. Պրոֆիլի էջ




Նկ. 2.6. Պատմության էջ

**Պատմության էջի** (տես Նկ. 2.6.-ը) առաջին քարտում երեւում են ընթացիկ խաղի եւ տոմսի կարգավիճակները: Ընթացիկ քարտում տոմսը գտնվում է սպասողական (pending) վիճակում, որից հետո կա երկու ելք. հաջող (lucky) կամ անհաջող (unlucky): Անդրադառնանք տոմսի վրայի երկու տվյալներին: Իմ համարը (my number) ապակենտրոնացված կիրառությունում խաղացողի համարն է: DAPP-ում ընտրվում է դետերմինիստիկ պատահական թիվ (ավելի մանրամասն հաջորդ էջում) եւ այդ համարի խաղացողին է փոխանցվում մրցանակային ֆոնդը: «STATUS»-ը՝ խաղի կարգավիճակը, ցույց է տալիս թե ինչ փուլում է գտնվում խաղը: Կա երկու փուլ. տոմսերի վաճառք (selling tickets) եւ բացահայտում (revelation):

Տոմսերի վաճառք կարգավիճակը նշանակում է, որ դեռ չվաճառված տոմսեր են առկա: Բոլոր տոմսերի վաճառվելուց հետո կարգավիճակը փոխվում է բացահայտում (revelation) կարգավիճակի: Այս կարգավիճակում մոբայլում գեներացված պատահական թիվը ԲԱՑԱՀԱՅՏ կերպով ուղարկվում է ապակենտրոնացված կիրառությանը: Մոբայլում գեներացվող պատահական թվի մասին ավելի մանրամասն կխոսվի «Խանութի» էջը ներկայացնելիս:

Խաղի ավարտից հետո, ինչպես արդեն նշվեց, տոմսը դառնում է հաջողակ կամ անհաջողակ: Հաջողակ տոմսի վրա գրված է խաղի համարը եւ «Lucky» արտահայտությունը: Անհաջողակ տոմսի վրա գրված է խաղի համարը, «Unlucky» արտահայտությունը եւ հաղթող խաղացողի հանրային բանալուն (public-key): Բոլոր խաղացողները կարող են ստուգել թե արդյոք նշված՝ հաղթող, հանրային բանալուն



կատարվել է մրցանակի փոխանցում: Դա կարելի է անել, արդեն նշված, էթերՍկանի միջոցով:

#### **Խանութի էջում (տես Նկ. 2.7.-ը)**

կարելի տեսնել խաղի կանոնները եւ առկա տոմսերի քանակը: Ներքեւի հատվածում կա գնել (buy) կոճակը: Գնել կոճակը սեղմելիս տեղի են ունենում հետեւյալ գործողությունները.

1. Մոբայլում գեներացվում է պատահական թիվ եւ պահվում սարքի հիշողության մեջ

2. Թիվը եւ խաղացողի հանրային բանալին միասին հեշավորվում են

3. Ստացված տողային արտահայտությունը տոմսի արժեքի չափով էթերեումի հետ ուղարկվում է ապակենտրոնացված կիրառությանը

4. Ծրագիրը սպասում է բոլոր տոմսերի վաճառվելուն

*Նկ.2.7. Խանութի էջ*

5. Վաճառվելուց հետո ապակեն-տըրոնացված կիրառությանը մոբայլ կիրառությունից ուղարվում է սարքի հիշողությունում պահված պատահական մեծությունը

Մոբայլում գեներացված եւ պահված պատահական մեծությունը կօգտագործվի ապակենտրոնացված կիրառությունում՝ դետերմինիստիկ պատահական թիվ ստանալու համար:


Գնել ֆունկցիոնալը կաշխատի միայն հաշվեկշռի վրա տոմսի գնին մեծ կամ հավասար էլեկտրոնային արժույթ ունենալու դեպքում:

Մոբայլ կիրառության կոդը տեղադրված է Գիթհաբում (Github) հետեւյալ հղմամբ՝  
[https://github.com/Galti/bachelor\\_thesis/tree/master/mobile\\_app](https://github.com/Galti/bachelor_thesis/tree/master/mobile_app)



## «ՀԱՋՈՂԱԿԸ» ԱՊԱԿԵՆՏՐՈՆԱՑՎԱԾ ԿԻՐԱՌՈՒԹՅՈՒՆԸ

Խելացի պայմանագիրը համակարգչային արձանագրություն է նախատեսված թվայնորեն հեշտացնելու, հաստատելու կամ հզորացնելու պայմանագրի բանակցություններն ու կատարումը: Դրանք թույլ են տալիս, առանց երրորդ կողմի, կատարել վստահելի գործարքներ:



Նկ.2.8. Խելացի պայմանագիր երկու կողմի միջև

Խելացի պայմանագրեր գրելու համար, կան մի քանի լեզուներ՝

1. Մուտան (Mutan)՝ նման ԳՈ (GO) լեզվին, արգելված է (deprecated)
2. LLL, լիսպանման լեզու է (Lisp-like), հազվադեպ է օգտագործվում
3. Սերպենտ (Serpent), Պիթոնանման (Python-like) լեզու է, խորհուրդ չի տրվում օգտագործել այն

4. Սոլիդիթի (Solidity), բարձր կարգի, կոնտրակտակողմնորոշված (contract-oriented) լեզու, որով գրվում է խելացի պայմանագրերի մեծամասնությունը

Խաղի խելացի պայմանագիրը գրվել է Սոլիդիթի լեզվով, քանի որ ամենակայունը<sup>3</sup> դա է:

Պայմանագրի հիմնական ֆունկցիոնալը հետևյալն է՝

1. Ստեղծել խաղ
2. Ստեղծել խաղի համար նախատեսված տոմսեր
3. Ապահովել տոմսերը գնելու ֆունկցիա
4. Սպասել մինչև բոլոր տոմսերը կվաճառվեն
5. Գնորդներից հավաքել *պատահական* թվերը
6. Այդ թվերի միջոցով ստանալ *դետերմինիստիկ* պատահական թիվ
7. Գոյացած մրցանակային ֆոնդը փոխանցել գնորդին եւ գնալ (goto) 1 կետին

Կանդիդատնանք միայն 3, 5, 6 եւ 7 կետերին: Մինչև նշված կետերին անդրադառնալը հասկանանք, թե ինչի համար է անհրաժեշտ, որ պատահական թիվը լինի դետերմինիստիկ:

Էթերեում վիրտուալ մեքենան (ԷՎՄ) պարզ, բայց շատ հզոր Թյուրինգ-ամբողջական 256 բիթանոց վիրտուալ մեքենա է [5], որը թույլ է տալիս յուրաքանչյուրին իրականացնել կամայական ԷՎՄ Բայթկոդ: ԷՎՄ-ը Էթերեում արձանագրության մի մասն է եւ վճռական դեր է խաղում Էթերեումի էկոհամակարգում: Այն թույլ է տալիս յուրաքանչյուրին իրականացնել կամայական կոդ հուսալի միջավայրում, որտեղ իրականացման արդյունքը երաշխավորված է եւ ամբողջովին դետերմինիստիկ: Դա արված է բոլոր հանգույցների համաձայնության գալու պրոցեսը անխափան կատարելու համար: Այդ իսկ պատճառով լեզվում չկա RANDOM՝ պատահական թիվ գեներացնող ֆունկցիա: Խաղում հաղթողին որոշելու

<sup>3</sup> <https://github.com/ethereum/wiki/wiki/Programming-languages-intro>

համար մեզ անհրաժեշտ է *պատահական* թիվ: Այդ պատահական թիվը պետք է բոլոր հանգույցներում նույնը լինի՝ այսինքն պետք է ունենանք *դետերմինիստիկ պատահական թիվ*, որպեսզի ցանցը կարողանա համաձայնության գալ:

**Տոմս գնելու ֆունկցիա.** Տոմս գնելուց կատարվում է հետևյալը՝

1. ստուգվում է, արդյոք գնորդը տրամադրել է սահմանված գնի չափով էթերեում
2. ստուգվում է, որ ամեն մասնակից չկարողանա մեկից ավել տոմս գնել
3. զանգվածում պահվում է գնորդի հանրային բանալին, որպես իդենտիֆիկատոր, եւ տրամադրած՝ մոբայլում գեներացված, պատահական թվի ու հանրային բանալու հեշ կոդը

**Թվերը հավաքելու ֆունկցիան.** Տոմս գնելուց խաղացողների սարքում գեներացված եւ պահված պատահական թվի ու խաղացողի հանրային բանալու հեշ կոդը ուղարկվում է խելացի պայմանագրին՝ ապակետրոնացված կիրառությանը: Երբ բոլոր տոմսերը վաճառվում են, բոլոր տոմս գնած խաղացողներից հավաքվում են սարքերի վրա պահված պատահական թվերը:

Թվերը հավաքելու ֆունկցիան կատարում է հետևյալը՝

1. Ստուգում է, որ խաղացողի ուղարկած թիվը չտարբերվի այն թվից, որի հետ հեշավորել էր իր հանրային բանալին
2. Թիվը `ԲԱՅԱՀԱՅՏ` ավելացնում է խելացի պայմանագրի «տվյալների շտեմարանում»՝ բլոկչեյնում:

1-ին քայլի ստուգումը կատարվում է `keccak256()` հեշավորման ֆունկցիայով [2]: Ուղարկված թիվը եւ գլոբալ տիրույթում եղած՝ `msg.sender`, դիմողի հանրային բանալին հեշավորվում են եւ ստացված հեշ կոդը համեմատվում է տոմս գնելուց ուղարկված հեշ կոդի հետ: Համապատասխանելու դեպքում թիվը ընդունվում է, այսինքն ավելացվում է բլոկչեյնում: Թիվը օգտագործվելու է դետերմինիստիկ պատահական թիվ ստանալու համար:

**Դետերմինիստիկ պատահական թիվը** գեներացվում է հետևյալ կերպ. հավաքված թվերը միմյանց հետ բիթային կամ գործողություն են արվում, ստացված

արդյունքը խաղացողների քանակի վրա է բաժանվում: Ստացված մնացորդ (նշ. x) կլինի *դեպերմինիստիկ պատահական թիվը* [7]:

Տոմսերի վաճառքից հավաքված էթերեումը **փոխանցվում է** x-րդ տոմսը գնած խաղացողին:

Դեպերմինիստիկ պատահական թվի գեներացումը կատարվում է երկու փուլով: Առաջին փուլում հավաքվում է մոբայլում գեներացված պատահական թվի եւ խաղացողի հանրային բանալու հեշ կոդը: Երկրորդ փուլում հավաքվում են պատահական թվերը եւ ստուգվում դրանց ճշտությունը հեշավորման միջոցով: Գեներացումը տեղի է ունենում երկու փուլով քանի, որ բլոկչեյնը բաց է հանրության առաջ: Այսինքն, եթե կատարեինք մեկ փուլով, վերջին խաղացողը կարող էր կառավարել ստացվող պատահական թիվը: Իսկ, երկու փուլով կատարելու դեպքում, ստացվող պատահական թիվը կարող է կանխատեսվել միայն մեկ դեպքում՝ երբ բոլոր մասնակիցները մասնակցեն «կեղծարարությանը», որն անիմաստ է:

Ապակենտրոնացված կիրառության կոդը տեղադրված է Գիթհաբում (Github)  
հետեւյալ հղմամբ՝

[https://github.com/Galti/bachelor\\_thesis/tree/master/smart\\_contract](https://github.com/Galti/bachelor_thesis/tree/master/smart_contract)

## ԵԶՐԱԿԱՑՈՒԹՅՈՒՆ

Օգտագործելով բլոկչեյն տեխնոլոգիաներից Էթերեումը, հնարավոր եղավ ստեղծել մի խաղ, որը հարյուր տոկոսանոց թափանցիկ է եւ կիրառելի: Հենվելով ստացած արդյունքների վրա կարելի է զանազան խաղեր տեղափոխել բլոկչեյն հարթակի վրա խաղացողների մոտ վստահություն ձեռք բերելու համար: Օրինակ JackPot խաղը:

Խաղը ստեղծվել է հիմնականում է բլոկչեյն տեխնոլոգիան ուսումնասիրելու համար: Ուսումնասիրության արդյունքում նկատվել են նաեւ, որ բացի կառավարման (փաստաթղթաշրջանառություն, թափանցիկ ընտրությունների անցկացում) եւ բանկային (շատ ավելի էժան փոխանցումներ) ոլորտներից, այն կարելի է օգտագործել նաեւ այլ ոլորտներում:

Բլոկչեյն տեխնոլոգիայի դրական կողմերը՝

- թափանցիկությունը
- անփոփոխելիությունը (immutability)

Բլոկչեյն տեխնոլոգիայի բացասական կողմերը՝

- արտադրողականությունը (performace)
- հանգույցներում գործող համակարգիչների մեծ քանակի հոսանք ծախսելը

## ԳՐԱԿԱՆՈՒԹՅՈՒՆ

1. Bitcoin, Wikipedia  
// URL: <https://en.wikipedia.org/wiki/Bitcoin>, 22.04.2018
2. **Ch. Dannen**, Introducing Ethereum and Solidity, Appres 2017
3. Ethereum, Wikipedia  
// URL: <https://en.wikipedia.org/wiki/Ethereum>, 22.04.2018
4. **F. Zaninotto**, The Blockchain Explained to Web Developers, marmelab  
// URL: <https://marmelab.com/blog/2016/04/28/blockchain-for-web-developers-the-theory.html>, 19.04.2018
5. **J. Wilcke**, Optimising the Ethereum Virtual Machin  
// URL: <https://medium.com/@jeff.ethereum/optimising-the-ethereum-virtual-machine-58457e61ca15>, 29.04.2018
6. **I. Bashir**, Mastering Blockchain, Packt Publishing 2017
7. Miners can't be trusted, GitHub  
// URL: <https://github.com/randao/randao/blob/master/README.md>, 25.04.2018
8. Proof of Work vs Proof of Stake: Basic Mining Guide, Blockgeeks  
// URL: <https://blockgeeks.com/guides/proof-of-work-vs-proof-of-stake/>, 24.04.2018